

# JARIDA LA

WIZARA YA UTAMADUNI, SANAA NA MICHEZO



*Wizara ya Furaha*

Toleo la Mtandaoni: 13 | 17 Agosti, 2022 - TABORA | [www.michezo.go.tz](http://www.michezo.go.tz)

## MABINGWA UMISSETA 2022 WAANZA KUIBUKA



wizara\_SanaaTZ





## **MABINGWA UMISSETA 2022 WA ANZA KUIBUKA**

**17 Agosti, 2022**





## Dodoma Bingwa wa Bongo Flavour UMISSETA 2022

Na Bryson Mshana – TABORA

Mkoa wa Dodoma umeubuka Bingwa wa mashindano ya Sanaa za Michezo kwenye kipengele cha muziki wa kizazi Kipy (Bongo Flavour) katika michezo ya shule za sekondari Tanzania UMISSETA 2022 inayofanyika kitaifa Mkoani Tabora.

Fainali Muziki wa kizazi kipyiliyofanyika Agust 17, 2022 kwenye ukumbi wa chuo cha ualimu Tabora ilijumuisha mikoa ya Mtwara, Shinyanga, Dar es salaam, Kagera, Mbeya, Rukwa, Tabora, Dodoma na Manyara.

Nafasi ya pili imechukuliwa na Mkoa wa Mbeya, huku nafasi ya tatu ikienda kwa

Mkoa wa Kagera hivyo kuhitimisha mashindano ya muziki wa kizazi kipyala yaliyojumuisha mikoa 27.

Akizungumza mara baada ya kutangazwa kwa matokeo hayo mmoja wa mashuhuda Bw. Jakobo Aloyce mwenyeji wa Tabora ambaye amekuwa akifika ukumbini kushuhudia tangu yaanze, amewashukuru majaji kwa kazi nzuri waliyofanya, huku akiwapongeza wanafunzi wote walioshiriki kwenye mashindano

"Majaji wamefanya kazi nzuri na ngumu kutokana na umahiri wa vijana waliokuwa wanashindana kwenye kipengele cha bongo Flavour hivyo nawapongeza

kwa kutimiza vema jukumu hili" ameeleza Jakobo.

Akifungua mashindano ya UMISSETA 2022 Agosti 10, 2022 Mjini Tabora, Katibu Mkuu Wizara ya Elimu, Sayansi na Teknolojia Dkt. Francis Michael, aliwataka vijana watakaoshiriki kwenye sanaa za michezo kuzingatia maadili.

Agizo hilo la Katibu Mkuu Wizara ya elimu lilionekana wakati wa mashindano hayo, ambapo vijana walioshindana walijikita katika kuimba nyimbo zenye ujumbe wa kuhamasisha sensa ya watu na makaazi inayotarajiwa kufanyika Agusti 23, 2022.



## Kigoma Mshindi wa Kwaya UMISSETA 2022

Na Bryson Mshana – TABORA

Mkoa wa Kigoma umebeba Kombe lingine la UMISSETA 2022 katika uimbaji Kwaya, baada ya Ubingwa waliopata katika UMITASHUMTA

Kigoma imeibuka bingwa baada ya kushinda katika fainali iliyokutanisha mikoa tisa iliyoofanyika Agosti 16, 2022 na matokeo yake kutangazwa Agusti 17, 2022

kwenye ukumbi wa Chuo cha Ualimu Tabora.

Hatua ya fainali ilihuisha mikoa tisa ya Dodoma, Shinyanga, Mwanza, Njombe, Lindi, Mtwara, Pwani, Kagera na Arusha ambayo vikundi vyake vilionesha uwezo wa hali ya juu.

Nafasi ya pili imechukuliwa

na Mkoa wa Kagera, huku Mkoa wa Njombe ukishika nafasi ya tatu.

Mashindano hayo ni chachu ya kuendelea kuenzi utamaduni katika mikoa yote ya Tanzania kupitia vijana walioshiriki sanaa za michezo kwenye UMITASHUMTA na UMISSETA 2022.



## Pemba na Mjini Magharibi Mabingwa Mpira wa Meza

Na Bryson Mshana – TABORA

Timu ya Mpira wa Meza ya Mkoa wa Mjini Magharibi Wanaume imetwaa ubingwa wa mchezo huo kwenye Mashindano ya Michezo na Sanaa ya shule za Sekondari Tanzania (UMISSETA 2022).

Mjini Magharibi imetwaa ubingwa baada ya kuwafunga Mkoa wa Morogoro kwa Seti 3-1 fainali iliyochewa asubuhi ya Agusti 17, 2022 kwenye ukumbi wa Shule ya Sekondari wavulana Tabora .

Nayo timu ya Kanda ya Pemba Wanawake, imetwaa Ubingwa wa mchezo huo baada ya kuwafunga ndugu

zao timu ya Mjini Magharibi Kwa seti 3-1.

Katika Mashindano hayo Timu ya Mkoa wa Kaskazini Unguja Wanaume imeshika nafasi ya tatu baada ya kuwafunga Dar es Salam seti 3-1, na kwa upande wa Wanawake nafasi ya tatu imeenda kwa Mtwara walioshinda seti 3-1 dhidi ya wenyeji Tabora.

Mwandishi wa habari za michezo kutoka visiwani Zanzibara Abubakar Kisandu ambaye yupo Mjini Tabora kushuhudia UMISSETA 2022, anauzungumzia mchezo wa mpira wa meza

kama moja ya michezo ambayo inasisimua na kuvutia wengi.

“Ni mchezo mzuri, hauhitaji nafasi kubwa lakini unahitaji umakini na akili kuuchenza, vijana wanaoucheza wanaonekana kuupenda ndio maana wapo makini mno hata kwa kuwatazama tu”

“Nimekuwa nikihudhuria mashindano ya UMISSETA kwa miaka zaidi ya mitano sasa, mwaka huu ni tofauti sana hususani mpira huu wa Meza unaonekana kuleta watazamaji wengi” ameeleza Kisandu.



## Mini Sensabika kufanyika Agosti 19, 2022 Tabora

Na Shamim Nyaki – WUSM

Mkurugenzi Idara ya Maendeleo ya Sanaa, Dkt. Emmanuel Ishengoma amefanya mahojiano na Kituo cha Redio cha Uyui Fm Tabora, Agosti 17, 2022 kuhusu Tamasha la Mini Sensabika litakalofanyika Agosti 19, 2022.

Tamasha hilo litafanyika siku ya Ufungaji wa Mashindano

ya Michezo kwa Shule za Sekondari (UMISSETA), Uwanja wa Ally Hassan Mwinyi mkoani hapo.

Dkt.Ishengoma amesema, Tamasha hilo lina lengo la kuhamasisha wananchi kushiriki zoezi la Sensa ya watu na makazi Agosti 23, 2022, ambapo litakua na kilele chake Agosti 21,

katika Tamasha kubwa la Sensabika Concert litakalofanyika viwanja nya Leaders Dar es Salaam.

Katika mahojiano hayo aliambatana na Wasanii Malkia Karen, Kayumba na Barobaro ambao ni miongoni mwa wasanii watakao-tumbuza siku hiyo.



## Dar es Salaam Yaingia Fainali Mpira wa Kikapu Wavulana na Wasichana UMISSETA

Na Shamim Nyaki – **WUSM**

Mkoa wa Dar es Salaam umefanikiwa kuingia katika Fainali ya Mchezo wa mpira wa Kikapu kwa upande wa Wasichana katika Mashindano ya Michezo kwa Shule za Sekondari Tanzania.

Katika michezo iliyochezwa Agosti 17, 2022 upande wa Wavulana, Dar es Salaam imeiadhibu Morogoro

vikapu 70 kwa 64, huku upande wa Wasichana ikiiadhibu wenyiji Tabora vikapu 34 kwa 24.

Kwa matokeo hayo, mechiza fainali zitawakutanisha Dar es Salaam na Mwanza upande wa Wavulana na upande wa Wasichana itakua ni kati ya Dar es Salaam na Arusha.

Mshindi wa tatu upande wa Wavulana itakua ni kati ya Arusha na Morogoro, huku upande wa Wasichana itakua ni kati ya Mwanza na Tabora.

Mechi hizo zitachezwa Agosti 18, 2022 viwanja vyा Sekondari ya Wavulana Tabora.



## Geita na Songwe Kuchuana Fainali Netiboli UMISSETA

Na Shamim Nyaki – **WUSM**

Mikoa ya Songwe na Geita imefanikiwa kuingia fainali mchezo wa Netiboli katika Mashindano ya Michezo kwa Shule za Sekondari (UMISSETA) yanayoendelea mkoani Tabora.

Mkoa wa Songwe umeingia

fainali baada ya kuwaadhibu Iringa magoli 80 kwa 20, huku Mkoa wa Geita ukiwaadhibu mkoa wa Mwanza magoli 46 kwa 44 katika mechi za nusu Fainali.

Mechi hizo zimechezwa Agosti 17, 2022 katika

viwanja vyatya Sekondari ya Wasichana Tabora.

Kwa matokeo hayo, mchezo wa kutafuta mshindi wa tatu utawakutanisha mkoa wa Mwanza na Iringa kabla ya Mechi ya fainali Agosti 18, 2022.

# UMITASHUMTA | UMISSETA 2022



## #SensaBika

Limeandaliwa na Kitengo cha Mawasiliano Serikalini  
Wizara ya Utamaduni, Sanaa na Michezo